

南

耕

詞

南畊詞序

予之序詞不一亦旣詳哉其言之矣顧世之別詞于詩者以其長短句耳然則古樂府非長短句乎饒歌朱鷺以下皆詞矣太白之秦樓月樂天之花非花夢得之斑竹枝元真之青蘋笠亦詩耳以其長短句也而詞之詞果昉于唐乎今自竹枝十四字起至鶯啼序二百四十字止加以雙調犯調慢近調減字偷聲攤破促拍之類跳而爲自度曲則凡有韻之言除五言七言屬之詩其餘莫非詞矣又且生查子醉公子

拋毬樂踏歌辭五言古之詞也怨回紇五言律之詞也玉樓春七言古之詞也瑞鷓鴣七言律之詞也紇那曲囉噴曲五言絕之詞也楊柳枝小秦王八拍蠻雞叫子七言絕之詞也詞之與詩何以別乎或問其所以異予應之曰詞之異于詩者非以其句之有長短也蓋因調之高下音之清濁風格之淺深濃淡而分之其來漸矣詩自垂拱開元大曆長慶更新遞出訖于光啓景福之間日趨于纖靡柔曼繁聲促節其不得不變爲詞者勢使然也故溫韋和歐諸人乘其

氣會興爲花間之體而宋人由之踵增詩之變爲詞
猶雅頌之變爲風非雅頌盛而風衰也茗華板蕩豈
不衰關雎鵲巢豈不盛乎必欲引詩而入于詞進詞
而合于詩皆論者之固也然則論詞云何曰惟協律
而已夫詞者古樂府之遺也無論大晟樂章竝奏教
坊卽今曲齣引子率用詞名登場一唱箏琶應之雖
宮譜失傳若使老教師分刊節度無不可按紅牙對
鐵板者故填詞家務令陰陽開闔字字合拍方無驚
拗之病然律協而語不工打油釘鉸俚俗滿紙此伶

人之詞非文人之詞也文人之詞未有不情景交集
聲色兼妙者吾向于荆溪推故友陳其年爲第一今
所傳迦陵詞是也其與其年頽頽者有史子雲臣曹
子南畊雲臣蝶菴詞予旣序之矣今讀南畊詞法至
而才副之深得迦陵三昧流連諷味不勝虎賁中郎
之感焉故不復贊一辭而于論詞曲暢其說亦惟可
爲知者道也荆溪又有萬子紅友著詞律一書曹子
郵以示予其攷據辨駁大有造于倚聲者并以吾言
叅之庚午上春長洲尤侗撰

南耕詞目錄

卷一

閒中好

首二

瀟湘曲

首一

憶江南

首五

楊柳枝

首一

思帝鄉

首一

點絳脣

首四

浣溪沙

首一

西江月

首四

浪淘沙

首一

虞美人

首一

南鄉子

首一

臨江仙

首一

傳言玉女

首一

洞仙歌

首一

意難忘
首一

滿江紅
首三

水調歌頭
首一

長亭怨慢
首一

留客住
首一

尾犯
首一

催雪
首一

丁香結
首一

念奴嬌
首四

遶佛閣
首一

水龍吟
首一

永遇樂
首一

望梅
首一

望海潮
首一

一萼紅
首一

薄倖
首一

沁園春
首二

摸魚兒
首一

賀新郎
首三

蘭陵王
首一

六州歌頭
首一

卷二

采桑子
首十

河瀆神
首一

城頭月
首一

南柯子
首一

醉花陰
首一

踏莎行
首二

繫裙腰
首一

臨江仙
首一

醉春風
首一

帶人嬌
首一

風入松
首一

隔浦蓮近拍
首一

爪茉莉

首一

滿江紅

首二

惜秋花

首一

水調歌頭

首三

八聲甘州

首一

東風第一枝

首一

念奴嬌

首五

解語花

首一

瑤花

首一

雨淋鈴

首一

花發沁園春

首一

解連環

首一

八犯玉交枝

首一

風流子

首一

疎影

首一

沁園春

首二

賀新郎

首七

摸魚兒

首一

卷三

賀新郎

三十首

卷四

十六字令

一首

竹枝

一首

長相思

一首

烏夜啼

一首

點絳脣

一首

玉蝴蝶

一首

浣溪沙

一首

采桑子

一首

憶秦娥

一首

海棠春

一首

山花子

一首

南柯子

一首

玉團兒

首一

浪淘沙

首十

南鄉子

首一

玉樓春

首一

臨江仙

首一

唐多令

首一

蘇幕遮

首一

漁家傲

首一

破陣子

首一

千秋歲

首一

師師令

首一

剔銀燈

首一

祝英臺近

首一

驀山溪

首一

洞仙歌

首一

鵲踏花翻

首一

露華

首一

水調歌頭

首二

步月

首一

八聲甘州

首一

瑣窗寒

首半

念奴嬌

首一

石州慢

首一

水龍吟

首三

齊天樂

首一

解連環

首一

望湘人

首一

過秦樓

首一

沁園春

首一

賀新郎

首二

卷五

憶江南

首十

桂殿秋

首一

長相思

首二

點絳脣

首一

浣溪沙

首十

采桑子

首二

援春令

首一

醉花陰

首一

雨中花

首一

臨江仙

首一

芭蕉雨

首一

千秋歲

首一

洞仙歌

首一

愁春未醒

首一

水調歌頭

首二

燭影搖紅

首一

醉蓬萊

首二

暗香

首一

東風第一枝

首一

念奴嬌

首三

水龍吟

首一

喜遷鶯

首一

瀟湘楚故人慢一首
傾盃樂一首

望梅一首
薄倖一首

風流子一首
疎影一首

沁園春一首
賀新郎二首

鶯啼序一首

卷六

南柯子一首
南鄉子一首

轉應曲一首
相見懽一首

歸國謠一首
菩薩蠻七首

憶秦娥

首四

憶漢月

首一

鵲橋仙

首一

臨江仙

首四

蝶戀花

首二

酷相思

首一

青玉案

首一

水調歌頭

首二

鳳凰臺上憶吹簫

首一

慶春朝慢

首一

聲聲慢

首一

孤鸞

首一

念奴嬌

首四

睂嫵

首一

春雲怨

首一

夢橫塘

首一

五綵結同心

首一

女冠子

首一

賀新郎
首二

摸魚兒
首十

南耕詞卷一

宜興曹亮武南耕誤

閒中好

本意

雙飛蝶栩栩欲尋春閒趁花陰撲描他上繡裙

又

楊花落一任暖風吹相逐成團去隨風却舞回

瀟湘曲

別和宋人韻

楊柳枝楊柳枝爲誰攀折最相思咫尺銅街天樣遠
難禁腸斷別離時

憶江南

本意

江南憶何日便歸程千里掛帆風未息五更起柁月
猶明恰是夢初醒

又

江南憶最憶是春天花信疊傳燈市後歌聲多在酒
壚邊士女不曾閒

又

江南憶。梅雨漲。雙溪近。水人家。鳩婦喚。焙茶天氣。杜鵑啼。船艤綠楊堤。

又

江南憶。唧唧聽秋蛩。綠綺勾挑。燈影下。清尊斟酌。月明中。桂樹晚香濃。

又

江南憶。歲晚樂何如。釀熟細嘗。吾事足。雪深高臥。一愁無。兒女簇紅爐。

楊柳枝

本意

陌上垂垂楊柳枝。惹愁牽恨豔陽時。花飛只趁東風去。心性輕狂不肯歸。

思帝鄉

無題

天邪枉教人似花。一帶粉牆高與暮雲遮。夜夜餘寒料峭。殘燈背枕斜。那得好風吹夢到伊家。

點絳脣

無題

驀地相逢。此生早識愁滋味。衣香鬟膩。儘教牽人意。
消息沉沉。詩句憑誰寄。心何似。亂絲難理。不共春蠶死。

又

竹院蕉軒。晝眠殘醉風吹醒。疎簾清映。沒箇人兒影。
剩有閒情。脉脉須重省。爐煙靜。素蕤斟茗。賺得香肩竝。

又

丰韻天然。淡粧輕抹。新梳掠。花柔柳弱。帶病身材削。
偏是多情。慣與緣相錯。無人覺。小亭西角。密締他
生約。

又

一卷新詞。也曾直到。粧臺畔。微聞稱善。嬌眼孜孜看。
知否柔腸。日似車輪轉。閒庭院。芳心誰見。只有梁
間燕。

浣溪沙

春閨

畫閣春眠貼繡茵。起尋殘夢立香塵。鬢邊山枕印纖痕。芳草有情憐蕩子。落花無力戀愁人。日長風細暗銷魂。

西江月

夫椒雜感

江楚蓬飄久矣。歸帆又指夫椒。援奇覓勝總無聊。路鬼揶揄不少。寂寞重陽過也。共誰把酒持螯。茫茫海宇接天遙。位置狂奴恁小。

前題

憶昔舉家驚竄。髫年喪亂。曾逢重來孤枕。壞廊東。往事蒼涼入夢。怨血燐燐宿草。芳魂黯黯寒蛩。湖灣霜落舊芙蓉。墓木於今已拱。
余童時避亂於此時先母姨暨許玉生姨丈同
日遇害今假館處卽其宅也

前題

十載浮名已誤。半生心事多違。湖光月色醉深杯。身是劉伶一輩。夜靜誰歎剝啄。相看伯仲于思。纔成握手便言歸。欲別重牽衣袂。
魯望同姑公見訪故後段及之

前題

一卷咿唔何用。三分崛起猶存。臣之壯也不如人。未
抵賣漿鬻畚。山塲蹲鴟覓飽。鄰家香稻謀殮。迺寒
天氣又黃昏。百計歸歟較穩。

浪淘沙

丹陽城外有懷

何處問平安。客路漫漫。片帆初卸驛亭寒。不共燈前
花影下。屈指三年。兩地費縈牽。別淚重彈一規涼
月照江天。今夜夢中尋我夢。練水湖邊。

虞美人

虞美人花

八千子弟今何在。一霎興亡改。虞兮一劍報重瞳。化作春花開向舊江東。紅顏昔日嬌如此。值得英雄死。臨風無力倍嫣然。猶似悲歌婉轉大王前。

南鄉子

秋思

頽淡夕陽煙。一片砧聲咽暮蟬。此夜銷魂無限意。誰傳。只聽三條指上絃。小立綺窗前。不信東鄰是洛川。人比海棠花帶露。還妍。惆悵空庭月未圓。

臨江仙

卽事

鬢髮垂垂剛覆額。謝家小妹盈盈。杏紗衫子着來輕。
熙春堂後低喚婢。嫩鶯聲。乍喜還嗔。迴眼處無情。
却似含情漫將隱語試聰明。拘花撲蝶佯做箇不會聽。

傳言玉女

索楷

一朵香雲添上幾分花。氣行來窗下。映湘簾影裏含。

態小立。笑指鼠鬚聲膩。紅箋半幅。教儂題字。濡蘸
隄。麋背臨摹。那稱意。生憎斑管。怕謝娘親試。塗鴉自
慚說甚銀鈎蠶尾。恁伊却又覷孜孜地。

洞仙歌

同緯雲兄讀書僧舍感賦

吾生詎料已頭顱如許。萬事都緣免。園誤問君何一
樣。無據無憑。長和我相對。篝燈風雨。算來行樂耳。
休負年光。攜手狂歌。仰天去得志。駕高車。否則旗亭
燕姬擁醉。鄉深處。或五嶽從遊。不須歸勝。屈首僧寮。

暗傷遲暮

意難忘

本意

獨夜淒清。正新愁黯黯。往事星星。卸粧翻繡被。却酒背銀燈。言未盡。思難勝。記俊眼看承。相與邀簾前月。姊天畔。風箏無端別。淚交零。悵衣香鬢影。不到空亭。斷煙縈弱柳。絲雨溼殘英。閒翠管。冷牙屏。倩燕子。叮嚀問。甚時低聲笑語。驀地逢迎。

滿江紅

黃鶴樓用梅村詞韻

獨倚危欄聽不了江聲千尺想舊日白雲黃鶴仙人
吹笛隱隱月中沙鳥落茫茫天外風帆直問留題誰
復繼崔詩無人識彈指事成陳蹟回首處愁羈客
俯晴川芳草西風蕭瑟赤壁爭雄猶在否湘江孤憤
還堪憶歎楚王宮闕但荒臺橫碑石

滕王閣

高閣臨江是帝子舊繁華處徒想像朱簾画棟閣中
歌舞南浦西山還似舊朝朝暮暮雲和雨只檻前不

住捲銀濤東流去。纔味罷王郎句。重憶着王郎序。
正長天秋水落霞孤鶩。好士聞公誰復作。馬當空羨。
風吹汝歎。昔時琵琶已含情。今如許。

蔣綏菴先生入山相訪兼承惠貽旋有峨嵋
之遊賦此贈別

一個閒身被萬仞匡廬留住。喜滿目奇峰冷瀑。瑤花
瓊樹。虎豹那曾山上到。煙雲偏向窗中聚。恠先生忽
漫叩禪扉。尋詩句。拍案叫頻稱許。把酒坐頻斟取。
對天青月白。兩忘羈旅。爲卹鄙人傾笥橐。却饒幽興。

辭簪組。恨蕭蕭。重着舊芒鞋。峨嵋去。

水調歌頭

宿清凉臺作

鬼斧問何日。四面鑿爲牆。我來却自天上。偃僂下清涼。老樹陰森若暝。惟石欹歛。欲壓相對轉。倉皇坐久。一僧出雲霧。滿禪房。瞰絕谿。臨斷磴。度危梁。小亭不滿八尺。亭外短松。強况有芰荷。擎蓋照着夜。溼明月。香氣撲衣裳。蕭颯未成寐。枕畔水淙淙。

長亭怨慢

辛亥夏秋之交百日不雨山泉俱渴遠邇涸

饑余遂束裝而出賦示天池送別諸上人

漸枯到涓涓泉水斗米千錢簋飧難繼自笑吳儂客
囊羞澁問誰貰舊盟猿鶴應也勸吾歸耳瀟灑洞天
中乍謫向塵寰相似如寄嘆無端聚散歲月消磨
彈指獠奴結束早擔去一肩行李算只怕取誚山靈
竟輸却餐芝黃綺惹送別閒僧松下都揮情淚

留客住

卽事用黑蝶齋詞韻

乍相對。恰小梅逗些春色。嫩晴時候。漸染銀塘綠水。
多少離愁別苦。好景重逢。星星都記起。問誰禁得淚。
珠兒溼透。幾層衫袂。神傷矣。醉眼頻看。睂峰鎖翠。
月白燈青。綰就同心還未。只怕銷魂人去。一樣無憑。
黯。然。深。夜。裏。他。生。密。約。願。雙。棲。比。翼。忍。教。輕。背。

尾犯

匡山除夕

六花鋪徧。笑無端尋到。亂山荒院。迥非塵世。茫茫難覓。
傳書黃犬。算來寢食都不比家鄉便。況驚心。卒歲。

崢嶸。頓教愁緒填滿。天色冥冥將晚。有閒僧相勸。
勉。正煨殘榾柮。煮罷醎菹。頻斟茗椀。兩地衰親面。
母居。兒女態聚來。心眼。知此夜椒酒辛盤。也應添却。
悽惋。

催雪

臘月二十五日雪中再抵潯陽侯水部留飲
達旦遂入廬山

湓浦船停。彭蠡驛冷。九派狂瀾若沸。况撲雪成迷。犯
風增噓。不解再來何據。枉短盡生平。英雄氣。東皴皮。

肉○儼○疲○僕○御○一○番○裘○敝○
孰○意○念○客○子○又○拉○入○後○堂○
綺○筵○旋○啓○有○鸞○舞○鶯○歌○
旅○愁○都○洗○徹○夜○銀○燈○翠○幔○到○
初○日○瞳○眈○重○門○閉○忙○策○蹇○
天○際○匡○廬○未○醒○昨○宵○殘○醉○

丁香結

廬山作家書後賦此寄內用吳夢窗韻

月○浸○雕○闌○花○攢○粧○閣○曾○共○幾○回○春○醉○
泥○鬢○雲○香○膩○悵○
別○後○獨○自○暗○將○愁○砌○料○君○應○念○我○
添○憔悴○怕○看○鏡○裏○
吳○天○芳○草○爲○甚○阻○却○王○孫○歸○意○
何○似○似○夢○魘○纔○醒○
却○到○醒○時○又○睡○怎○忍○單○棲○難○成○此○翼○
悔○教○分○背○相○望○

山隔水隔那縮長房地匡廬高萬丈聊寄平安兩字

念奴嬌

廬山春夜用烏絲詞韻

空山十載記禪房聽盡晨鐘暮鼓直到匡廬高萬丈
方信峰危無虎雲海春深松濤夜湧不住真何苦向
來歸夢今番那肯重作爲訪五老三泉黃崖白鹿
踏盡欽欹路此景人生能幾見莫嘆天涯羈羽惟石
爲朋閒花作伴不受他鄉侮清涼臺上夜深時共僧

語

月夜登晴川閣同岳觀復賦

碧天明淨正風吹木葉一江寒水攪入幾行征雁叫
日落帆檣如薺歷歷晴川萋萋芳草鸚鵡洲猶是行
吟澤畔有人懷古深矣回望大別山前禹功疏鑿
遺廟千秋峙今夜月華看似鏡隔岸笛聲初起攜取
胡牀呼來酒伴醉倒南樓裏庾公當日想應風致如
此

辛亥中秋同朱子葆王子心龔仲震許傳舟
胡芋莊諸子集楊陶雲新建署滄遠堂賞

月

章江門外正素波。千頃盪胸空闊。竟日尋遊良不惡。
天朗氣清時節。先我而來連檣而至。袞袞皆人傑。論
詩載酒客懷原自軒豁。況值滄遠堂中。官閒似水。
同看中秋月。徹夜銀燈相掩映。桂影團團香發。如此
風光直須屯守。不怕先投轄。玉山頽矣唾壺還被敲。
缺。

九日登大別山喜遇岳觀復丁適菴

蕭然僧院正百無聊賴。強登高去。大別山前擡望眼。

何限纍纍坏土却月城孤郎官湖冷不見晴川樹黃
花開未一番重九虛度詎料禹廟門邊故人幣面
執手相而汝同是画溪南畔客絕似蓬飄重聚霜鬢
塵汚青萍氣短失路憑誰訴且沽村酒倩忘今夜羈
旅。

遶佛閣

葺文殊閣讀書其中賦此紀事用夢窗韻

東雲漸斂殘臘積雪猶壓山館春晝還短弄晴最是
紅霞上書幔竹濤夜滿閒步佛閣尤愛蕭遠蘭氣清

婉○繕○垣○支○罅○移○來○傍○臺○岸○ 孤○客○易○生○感○漫○檢○征○衫○
都○綻○線○還○怕○髻○邊○霜○華○添○鏡○面○俯○急○瀑○盤○渦○飛○下○如○
箭○幾○曾○經○見○只○旅○夢○無○憑○離○恨○攪○亂○小○窗○間○一○編○初○
展○

水龍吟

憶毘陵故園

吾○家○水○木○殊○佳○當○年○宛○爾○如○圖○画○月○明○春○曉○風○清○秋○
晚○紗○窗○無○罅○桂○樹○香○濃○芙○蓉○豔○冷○醉○眠○深○夜○况○歌○喉○
婉○轉○雙○鬟○纖○手○又○相○送○鞦○韆○架○ 邈○矣○簷○鈴○巷○柝○更○

寂寞地。衣裙袂舊時賓客。不聞珠履鳥啼花謝。世事
皆然。幾能長好。舞臺歌榭。只夢中還認。西園梅樹在
松陰下。

永遇樂

喜侯水部入山踐杜鵬之約用耒邊詞韻

昨夜枝頭盡沾啼血。便傳花信。摒擋輕衫。安排短屐。
好似三章定。籃輿初上。晨關已放。來共旅人消領。還
相伴。秦松漢栢。月底一林清影。御碑亭畔。天池千
尺。照徹鬚眉如鏡。活火茶香。行厨飯熟。泉竇泓然。井

直○援○五○老○雲○開○霧○霽○歷○歷○彭○湖○帆○艇○連○宵○醉○箏○琶○滿○
耳○那○須○更○醒○

望梅

題徐渭文鍾山梅花圖

真○龍○曾○降○記○千○門○的○爍○九○重○閣○敞○種○鍾○山○萬○樹○梅○花○
想○舊○日○東○風○一○夜○都○放○寶○馬○鈿○車○爭○先○出○鳥○衣○深○巷○
更○宸○遊○十○里○綴○雪○含○珠○香○繞○仙○仗○如○今○有○誰○玩○賞○
料○當○初○花○塲○應○徧○榛○莽○忽○對○君○幾○尺○丹○青○恍○玉○闕○猶○
存○瓊○枝○無○恙○夢○入○秦○淮○問○孰○把○興○亡○低○唱○只○江○天○皓○

月。向。傍。數。峰。輾。上。

望海潮

皖江觀潮

乾。坤。初。肅。魚。龍。正。睡。陽。侯。作。意。奔。騰。其。迅。若。馳。盤。渦。
若。沸。移。時。隱。隱。雷。聲。猛。氣。壓。孤。城。恍。地。維。秋。脫。高。岸。
齊。崩。獨。立。蒼。茫。遠。帆。猶。共。鴉。鷗。輕。須。臾。浪。靜。濤。平。
惟。爲。期。不。爽。造。化。分。明。噓。吸。使。然。盈。虛。致。是。江。頭。客。
子。休。驚。凝。望。倍。關。情。似。文。章。太。史。排。蕩。縱。橫。論。水。援。
微。試。將。茲。事。問。莊。生。

一萼紅

讌集漢陽唐松交署中月下歸雙蓮閣

漫停舟問漢陽芳樹存否漢江頭幾點疎砧數株殘
柳砌成滿眼深秋聊偃息傷堤禪榻又敗荷颯颯響
寒溝仙吏殷勤故人書札淹住閒愁爲做郎官湖名
佳會竟嚴城不閉疊倡更酬話舊燈前聽歌花底都
忘身世浮漚直到星稀斗轉趁月明騎馬叩僧樓博
得陶然沉醉一晌天遊

薄倖

憶看汴溪徐氏女優賦此記事用賀方回韻
豔情穠態記衆裏親承盼睐道一片綵雲飛去却是
風飄鸞帶况當他三月韶光柳慵花倦人無奈想燭
暗歌停酒闌拍散惆悵羅襦襟解自歇了歡場後
曾瞥見湔裙挑菜問何時偃倚香肩私語夢魂還被
重門礙舞衣難再縱明珠可聘琴心寄與誰憑賴都
成往事偏有閒愁尙在

沁園春

上霄峰海棠

側帽支筇登上霄峰時方豔陽正風吹如夢被人岑
寂花開若笑惹我顛狂十里丹霞千重絳雪贏得僧
雛識海棠還疑訝是六宮望幸紅粉齊妝傳聞種
自秦王共瘦石寒濤歲月長看鶯梭燕啄須知有恨
蜂爭蝶鬧莫道無香孤客春山佳人空谷相對休教
憶故鄉將茲景且低吟薄暮添入詩囊

謝柴桑文燈巖先生作南耕詩序

時先生方病足謝客

晨起更衣北向正容敬謝先生正秋風蕭寂蹢躅不
出門庭孤峻朝夕常扃詩句誰傳欣然作序百斛珠

南齊書卷一
六
幾尺幅。傾吾何幸。竟未成相識。眼已先青。慚予久
負浮名。今深荷吹噓。益不勝。乃漢魏諸篇。謬推合調。
應劉諸子。錯許同聲。乍讀焚香。重開盥手。一字多於
袞錫。榮無須擲。謹藏之篋。衍金石爭鳴。

摸魚兒

無題

小池間碧痕。初漲。昨添幾陣新雨。洛妃偏愛。凌波戲
花底。潛移蓮步。回眼覷。映瘦影。盈盈水面。憐嬌嫋。黯
然無語。算一種輕柔。三分羞澁。總是斷腸譜。方留

戀忽似驚鴻態度。回身難教伊住。十年諳盡相思味。
問有何時堪訴。憑夢去。還只恐夢中不識香閨路。看
看日暮。想賦別江淹。鍾情杜牧。應解恁般苦。

賀新郎

月夜舟發九江用迦陵詞韻

滿引村醪罷。陡然看江山如此。有誰能畫。回首楚天
千萬里。直欲乘風而下。愁渺渺。誰知我者。人隔鄉關。
風土異。聽鄰船。沒箇江南話。頻淚灑。悲秋夜。片帆
一任奔濤打。正蒼茫。玻璃千頃。銀河欲瀉。雁落蘆汀。

南齊書卷一
花似雪。混混水天都化。幾明滅。漁燈船罅。山枕橫施。
眠未穩。恐驚魂一去招猶怕。涼月向波心掛。

訪琵琶亭故址

司馬真情物。記當年客舟相送。酒闌時節。楓葉蘆花。
秋風起。誰撥琵琶淒切。覺此際。最難離別。商女含悲。
纔訴罷。溼青衫。淚比珍珠脫。重把盞。醉明月。我來
往事都銷歇。只滔滔。噲吟澎湃。怒濤如雪。舊日孤亭。
休借問。何處斷碑殘碣。有亦被晚潮埋沒。明夜卸帆。
江岸宿。料潯陽煙樹懸天末。聊共影。浩歌發。

過彭蠡

昨夜秋風惡。鼓洪濤。匡廬山下。魚龍噓吸。孤艇浪蹺。
雙槳去。不似馬當當日。算人命。幾同蟻擲。日落戍樓。
悲角起。望霜天一霎。渾如墨。聊伏枕。撼羈魄。滕王
高閣。凌江出。恨千秋。珠簾画棟。眼中蕭瑟。無復閻公
能好事。縱有王郎。閣筆况細檢。囊空羞澁。只喜西山
還似舊。共章江。憐取江頭客。吾且醉。莫追憶。

蘭陵王

遊石門

聳而削下視聲牙太惡緣延過聊學狢猿巖突當胸
幾推落吾行已悔錯還覺從遊悸慄頻捫鐔駢指半
客問道何年費椎鑿俄然轉幽壑有千尺驚濤湲
澗噴薄喬林蔽日陰風作更蠢列奇石象蹲鸞舞蒼
龍假臥旋奮躍或哮虎相搏崩剝蔓藤縛悵舊日
繚經臺址湮却舊有謝靈運繚經臺層崖高峙如樓閣又儼若
群鬼撼搖羈魄歸來重省怕夜裏睡怎着

六州歌頭

廬山天池寺

匡廬萬丈舉。律倚青天披積雪。踰溪澗。躋崖巔。趾摩
肩。上有天池寺。耀金碧。自勅建。異法物。歷浩劫。尙歸
然。一二老僧爲我禪房啓。容我安眠。但喧。厖。飛。瀑。六
月。晝。生。寒。石。壁。噴。吼。仰。難。攀。下。臨。危。崕。瞰。雲。海。聽
天。籟。異。人。間。誰。種。樹。秦。皇。帝。海。棠。妍。二。千。年。莫。訝。無
人。識。遲。我。至。與。流。傳。上霄峰有海棠數千株相傳秦
始皇所植山僧無有識者以野
櫻桃名之余虎不到絕。鶯。燕。罕。鳥。鳶。只有夜來星。斗
始爲表彰。手堪摘。皓月同圓。况峰名五老。天樂會群仙。欲往從
焉。

陳其年曰南耕與余少同學長以詩文相切劘余
好爲長短句數以卽南耕南耕顧薄之弗肯爲旣
乃獨抱其志遡楚江越彭蠡遂登匡廬遍歷香鑪
雙劍上霄鐵船諸峰愛其巔峭茸廢閣讀書其中
閱兩年始歸出編詩示余余業已詫其橫絕一世
矣久之援其麓中復得紀遊及他詞數十篇益奇
絕有宋人所不及者余駭出意外問曹子素所不
爲者何以能至是而曹子亦不自知也因思太史
公年二十南游江淮東援禹穴西浮于沅湘北涉
鄒嶧講業齊魯之郊歸而論次百家雜語成一家
言故倖儻瑰偉可以藏之名山傳之其人今曹子
旣讀書以廣其學而又厭飫于山水以高其才與
識其無所爲而不瞻者蓋以此欺余
旣序其詩而于詞又不禁爲之跋云

南耕詞卷二

宜興曹亮武南耕撰

采桑子

閨詞

閒窗自覺歡情少。瘦了春纖。皺了眉尖。怕聽鸚哥喚捲簾。誰憐幽怨能銷骨。麝餅慵添。象管慵拈。拋擲韶光付枕函。

前題

梨花落處逢寒食。細雨如愁。輕冷如秋。香裊金猊一

縷柔。踏青孤負鄰娃約。誰勸梳頭不印蓮勾鎖。任閒情十二樓。

前題

年時女伴耽愁謫。冷地閒階比髻量。鞦各自風前賽寶釵。如今頓覺心情改。門掩蒼苔香徑誰來一任塵封玉鏡臺。

前題

小紅樓外微微雨。荷嫩如錢柳困如煙。梅豆如心一樣酸。魚沉雁杳無消息。細寫香箋緘了誰傳枕上。

重開祇自看。

前題

斷腸詞句風流甚。圓似啼鶯和似調笙。吟罷關人幾許情。沉沉深院更初報。細研綠綾重剔銀燈。欲和金荃睡未成。

前題

碧闌干外東風颺。燕掠香泥蝶惹游絲。冉冉花間日影移。自嫌輸却無情物。事往偏悲夢醒還。追不語。凝眸攏髻時。

前題

寒侵蔽膝黃昏後月滿前除花映醺醺慢檢牙籤自
課書箇人此際應悵悵寂寂金鋪裊裊流蘼香地
燈青夢到無

前題

紅亭綠醕頻相勸人在花陰記得春深杜宇催歸思
正奈匆匆又過穿鍼節別緒悵悵彈向瑤琴誰會
空閨此夜心

前題

六銖衣薄寒初透。雨滴梧桐霜冷。芙蓉天外蕭蕭過。
斷鴻。蘭缸欲燼。雙花結繡被。纔烘睡鴨香濃。此夜
應教夢裏逢。

前題

繡簾斜透玲瓏月。雁叫吳霜又續。寒蟬絮斷愁人一
寸腸。侍兒重整鴛鴦被。嬾卸殘粧。怯上空牀。不耐
秋宵細細長。

河濱神

臨津古城隍廟下同其年兄作

遠水淡於煙。古廟門前叩舷。一天月色滿人間。照徹
靈旗儼然。濁酒醒時殘夢覺。廢港荒丘難託。好似
歸來化鶴。不知何處城郭。

城頭月

月下

醉看月出無纖障。明鏡團圓樣。幾點漁舟一行楊柳。
浪撲孤城響。今宵定照軍營上。楚漢重重帳。戰馬
酸嘶。戍樓悲角。愁絕天涯望。

南柯子

午睡

瘦竹蕭蕭雨。疎桐瑟瑟風。爲貪幽夢小窗中。百和添些香透碧紗濃。楚簾偏生滑。齊紈別樣工。覺來殘夢杳無踪。寂寞池亭依舊藕花紅。

醉花陰

撲螢

輕羅幾向花陰打。慣把閒愁惹。料得汝前身。熠熠幽輝曾照。隋家瓦。隨風飛過牆西也。不管淒涼夜。我怕見孤眠。爾自宵行莫到疎簾下。

踏莎行

花徑成

架與門齊。藤依牆峭。模糊倦眼須花照。帶經時荷雨。中鋤行吟。每側風前帽。底事如癡。無端失笑。憑闌說與花神道。世間花癖。是儂邪好。教春意枝頭鬧。

前題

小徑偏幽。重垣絕峭。隔樓簾捲冰奩照。花枝欲上美人頭。藤梢早習游人帽。把酒聽歌。買花索笑。癡情問有誰堪道。今年蜂蝶未全知。明年應向花叢鬧。

繫裙腰

春閨

桃花人面映平池。春水漲。燕來時。画堂深處落香泥。
梳。裹。罷。無。個。事。費。相。思。羅。巾。曾。寄。斷。腸。詞。吟。一。闕。
黛。睂。低。湘。簾。不。捲。日。遲。遲。衫。袖。上。珠。淚。溼。有。誰。知。

臨江仙

向從山中移古梅。二本高覆草堂下。構小廊。
顏。日。月。舫。今。梅。苑。二。年。矣。詞。以。輓。之。

記得虬枝高百尺。三間老屋週遮。開時吟賞帽簷斜。

慣來蜂與蝶香沁比鄰家。兩載拋人長寂寂芳魂
何處天涯只今猶爲繫浮槎夜深空載月把酒弔梅
花。

醉春風

醉後放歌

江楚奔濤惡燕趙悲風作男兒何必以家爲錯錯
南北東西染成霜鬢半生飄泊漸覺鄉園樂況是
妻孥弱壯心伏櫪未全銷莫莫莫且共梅花更邀明
月滿斟溪酌

帶人嬌

晚浴

風送蟬嘶亂落夕陽庭院。還只是畫長人倦。香泉一
斛向金盆傾轉。有雨後一朵芙蓉新澣。小立花前。
輕翻團扇。乍喜得清涼無汗。纖纖月色照綠雲低綰。
更領受一縷晚香如篆。

風入松

納涼

每當盛夏憶匡廬。髣髴仙都。清涼臺上披襟坐。炎威

似有還無瀑布晴。飛冰雪。松濤夜落蟾蜍。故鄉襍
纈太愁余。且杜門。平風軒。月檻聊忘暑。高眠不問其
餘。一派碧梧影。碎萬竿翠竹陰疎。

隔浦蓮近拍

觀荷

閒將秋水朗讀。傍舍叢陰綠。雨過銀塘淨。波紋纖軟
如縠。三兩鷗鷺浴。芳筒蠹翠蓋圓於輻。倚紅玉。香
風十里吹來消盡炎燠。嬌娃蕩槳。摘得葦房盈掬。薄
暮蓮歌聽一曲。聲續相看天水新沐。

爪茉莉

茉莉

記得嶺南。在蠻娘之圃。飄流過章江。湓浦。冰肌玉魄。
銷受了許多炎暑。試看他月上欄干。芳心也會漫吐。
摘來綃帳。色濛濛。尙沾露。須念汝。遠拋鄉土。洛妃
解珮。想依然。恁丰度。到夜深。隱隱冷香。無數。應都是
牽惹處。

滿江紅

懷仲震臥病和其年韻

南浦西山同憑眺。花天月夜曾爲我。手評詩卷十行
俱下。朱紱故人供笑傲。青衣奴子遭笞罵。逞雄談四
座。聽皆驚懸河瀉。謀生事何須話。行酒政如圖霸。
但隔籬。呼取盡他杯炙餽口。羞看遊子橐移家。欲賣
殘書架。奈方誇善飯中拘攣。寒飈射。

前題再疊前韻

瞥遇章江驚而喜。連牀十夜同醉倒。中秋月裏碧紗
燈。下落落吾徒俱失意。庸庸餘子真堪罵。望匡廬。瀑
布似銀河。空中瀉。還相憶。愁中話。總莫問王和霸。

待君能飲酒。吾當行炙蠟。屐定從山水窟。揮毫擬化
珊瑚架。縱君方貧病。把君詩光芒射。

惜秋花

有憶用紅藕莊詞韻

隔了藍橋只閒吟。閒寫蕭然孤館。欲遣舊愁聊憑藝
蘭除蔓。紅襟燕子飛來。忽憶着當時人面。亭畔恰呢
喃未休。蕭娘乍見。池水最清淺。似天青過雨。費幾
番渲染。頗又似對曉鏡溜波。俊眼篆煙裊去。餘香好
趁他繡簾低捲。須倩爾東風慢吹花片。

水調歌頭

代祭東坡書院

小艇掛帆去。遠水浸長天。先生買田陽羨，瀟灑憶當年。我到画溪祠裏，仰止蒼髯遺像，松檜欲生寒。敬瀝官廚酒，跼進兩楹間。樽豆微，廊廡下，醉時眠。人生舉頭明月，能得幾回圓。耿耿孤忠亮節，落落風流文采，此事只君全。獨喜清秋夜，今古共婵娟。

題董舜民蒼梧詞

忼慷出門去。萬里恣遨遊。錦江霞綺如織，千疊映華

騶曾數蜀峰。秦樹聽盡峽猿隴。易山水。白人頭。董子
興遄發。落筆舞吳鉤。蒼梧集珠作串。玉爲舟。收拾
蜃煙蛟火。縹緲硯雲浮。囊括馬遷雄麗。鏤畫相如。誦
奧文采。更風流。吾爲若起舞。浩氣欲凌秋。

溪泛

最愛兩溪水。溪上點青螺。茫茫一葦萬頃。樂事不須
他。塵市那堪鬱悒。每到水天佳處。煩惱總消磨。浩蕩
數聲笛。響透毒龍窩。休搔首。追往事。怨蹉跎。今宵
簾紋明淨。倩汝浸金波。容我百壺頻送。醉倚篷窗極。

目獨自放狂歌。但願柳陰下長此共漁簑。

八聲甘州

二隱兄以菊花見寄感賦

既將花做錦。費天工。何如早舒英。却群芳都歇。秋風
蕭瑟。纔見敷榮。千古英雄同歎。總不慣。逢迎誤盡年
和月。晚節方成。昨喜珊珊百里。送寒香幾朵。來伴
淒清。想故園開遍。燈火夜還擎。更攜尊。頽然一醉。任
中原。猛虎鬬縱橫。東籬下。陶潛風味也。只如兄。

東風第一枝

丁巳毘陵元夕

萬戶張燈千街踏月。蘭陵樂事如許。風前柳意方濃。
雪後早梅欲語。良宵拚醉喜聚首。弟昆儔侶恣共看。
火鳳蒼龍爭向一城飛舞。忙不了幾多士女敲不
了幾多饒鼓。鈿車寶馬紛紛。鬢絲衫影縷縷。金吾不
禁好留取。夜珠休遽怕漏殘酒醒人歸。愁在綺羅深
處。

念奴嬌

燈下展半雪兄手鈔古詞愴然有作

蓬門長閉任霜風飄墜。一庭秋樹反覆故人書一卷。
不見故人何處。字密於蠶筆。輕於髮。費得心如許。停
批拍案。宛然舊日情緒。憶我浪跡歸來。拂塵相見。
病骨形非汝。四十年。渾似夢。壯志今歸黃土。憔悴
閨人伶仃稚子。生計都無據。殘燈明滅爲君揮淚如
雨。

病中庭梅盛開同其年用赤壁詞韻

文園多病恠經年。局戶未拋藥物。乍見庭梅開似玉。
綴滿瓊枝橫壁。客至偏辭酒。斟還却。萬事如冰雪。世

閒餘子不知誰是人傑。漫道花信尋常。霜風幾許。
留取當春發。一片斜飛低拂帽。欲遣餘寒消滅。爲惜
芳辰坐深。忘倦香氣微吹髮。髯兄且住。看花須看明
月。

同其年緯雲爲南岳之遊再用前韻

溪明山秀儘眼前所見。都無俗物。幾處園林尋遍了。
直到招提石壁。好鳥啼晴。輕煙送暖。花落渾如雪。吾
行樂耳。不須推倒豪傑。且向佛閣憑虛。松風謾謾。
天外清音發。准擬破除千萬事。却有閒愁難滅。歲月

如○馳○英○雄○漸○老○兩○鬢○添○華○髮○舊○時○山○寺○夜○深○看○盡○明○
月○余讀書南山
十數年矣

前題三用前韻

此○中○樂○事○有○閒○花○閒○鳥○天○然○尤○物○聞○道○山○前○會○射○虎○
又○道○洗○勝○絕○壁○萬○箇○修○篁○數○聲○幽○磬○噴○薄○泉○飛○雪○吾○
將○隱○矣○任○人○袞○袞○稱○傑○與汝九載睽離
時緯雲初
自燕歸

相○看○老○瘦○執○手○悲○歌○發○何○限○浮○生○蕉○鹿○夢○漸○喜○幻○情○
磨○滅○但○得○花○前○酒○杯○長○把○世○事○同○毫○髮○放○船○歸○去○重○
來○須○踏○山○月○

周文夏御史沒已十年一幼女未字少司馬
孫作庭先生不忘同官之好爲令子議姻
予高其誼而作此詞

蕭條池館問舊時花萼臨風開未公瑾雄姿磊落甚
十載人琴俱逝画省香煙蘭臺霜簡一覺黃梁耳尚
遺嬌女掌珠亦復誰記不道司馬殷勤追思兩小
譜求凰遙寄昔撫諸孤今弱息堪憫故人之苑鏡裏
珠鸞釵頭金雀多少淒涼意交情如昨古來屈指能
幾

解語花

大士雲臣過梅廬納涼同賦

濛濛蕉影寂寂桐陰聊與消長夏小池灣罅紅魚戲
故把荇絲輕惹雙文簞研歆珊枕北窗風下催夢回
無數幽香玉幹蘭開乍吾已塵緣盡謝只相過相
得當日遊射水亭風榭掀髯笑或且奕而持竿翻然
舞蔗還綵筆醉餘揮灑西日頽君莫言歸共月明深
夜

瑶花

閩蘭

池邊急雨。天外斜風。把炎威偷換。群芳銷歇。只玉魀
乍吐。耐人閒玩。幽香冷。豔最相稱。迴廊深院。惜未與
生共。江南九畹。藝滋須滿。如今萬里。烽煙正閩嶠。
音稀漳水。帆斷霜條。露葉空谷。裏相對。月明含怨。知
他開謝。定朶朶同心。親綰橫綠綺。鼓到荷蘭。試向花
前重看。

雨淋鈴

春夜悶雨送天篆之廣陵

西窗淒絕。正廉纖雨未肯休歇。春光九十過半。從前
好處都爲埋沒。況是燈昏酒冷。聽更漏凝咽。問底事。
今歲東皇慣遣餘寒誤蜂蝶。知君又復將離別。漸
天涯碧草茸茸發。人生幾場春夢。行樂耳。那須行役。
此去揚州回首。雙溪忍負花月。料別後好景相思定。
把今宵說。

花發沁園春

梅廬

繞屋栽梅。傍梅作屋。我將老我於此。途窮莫哭。意倦。

須還萬事總輸酣。睡年華若駛。休更着纖毫塵累。請
謝客。終日常閒。蓬門終歲常閉。一卷南華老子。從
朝而昏。把玩何已。風牽荇藻。月映藤蘿。小似輞川情
味。搗牀隱几。聽好鳥弄晴聲。脆待疎影香沁。吾廬儘
教花下沉醉。

解連環

卽望
梅

奕用片玉詞韻

我將安託。正驕陽酷烈。火雲綿邈。空悵望天際。風生
奈。沼水偏溫。翠陰還薄。長日懽騰頓。教美沍寒蕭索。

算無如坐隱。直是清涼。遣暑之藥。知他勝負何若。
看中邊。割據黑白相角。總不妨爛了樵柯。便其似長。
安也。併忘却誰逗秋光。早已是海棠初萼。悄然聽竹。
窗敞處。一聲子落。

八犯玉交枝

無題和湘瑟詞韻

雙扇朱櫺。一層銀繭。隔斷夜深幽夢。回憶爐煙斜裊。
處。花氣鶯聲。會共蝶忙蜂縱。最恨青粉墻頭。重黏密。
砌。渾無縫。應只鈿箏輕撥。瓊簫低弄。不知幾時再。

將小詞暗誦。看他釵影搖動。怎忘得聲聲珍重。況羅襪凌波相送。恍疑向秦樓跨鳳。別來珠淚鮫綃凍。翻懊惱多情前番早把愁苗種。

風流子

和天篆留別韻

底須長太息。男兒志原自在天涯。算楚尾吳頭未爲作客。淮南江北不當辭家。還記取兼天排遠浪。撲岸湧寒沙。鐵甕城邊化爲蝴蝶。天篆客廣陵時寄我京口記夢并夢中所作詞隋堤柳畔撇却桑麻。雙溪溪流漲。挈舟去宛然天

上。乘。槎。切。莫。臨。風。相。憶。對。月。興。嗟。料。燕。羽。翩。翩。也。過。
春。社。鶯。啼。嚶。嚶。也。啄。飛。花。只。怕。暮。雲。多。處。幾。陣。歸。鴉。

疎影

和魯望兄戲東原韻

春。來。好。處。有。入。簾。碧。草。盈。砌。芳。樹。問。字。誰。欺。三。徑。蕭。
然。珠。娘。忽。漫。相。遇。穿。花。攏。髻。迴。身。快。却。又。被。鶯。聲。留。
住。惟。小。亭。不。離。塵。寰。一。片。綵。雲。飛。貯。還。憶。替。花。細。
惜。付。青。雀。寄。到。題。帕。佳。句。道。蘊。才。高。頗。勝。兒。郎。那。愧。
謝。庭。名。譽。昏。黃。月。冷。人。歸。後。只。賸。得。恁。時。言。語。算。此。

生割舍難揀。是否再來嬌女。

沁園春

甲寅十月初五夜鬼聲寥然舉國莫不聞者
既而其年自梁溪歸亦有記鬼聲詞屬余
和之

月黑燈昏。惜悽其聲。鬼乎胡然。豈黎丘夜喜。欲扶酣
醉。釐亭人語。爲訴奇冤。春歛。憂嚶。一車同載。破塚枯
骸。欲近前頻傾耳。正三更漏悄。獨擁寒氈。朝來萬
口喧闐。况有客攜將好句。傳想都人。憊矣夜臺泣血。

戰場坑盡厲鬼呼天志恠宜收搜神應續阮子言無
尙慎旃推詳久總憂疑未判試卜金錢

贈皖江咎元彥阮獅麓高菂莽

屈指生平所遇皆窮無如杜門歎此日論交真堪冷
齒當年作客尙爾驚魂衛玠風流嵇康爽朗傾蓋能
令古道存掀髯喜正霜螯在手綠醕盈尊孤舟昔
繫江濱悵百子山前未識君算淪落休悲筆能撼嶽
崢嶸足羨賦可凌雲獅麓初提南閩只怕明朝頓成離別各
自回頭憶故人還須記好頻將尺素託付鴻鱗

賀新郎

余病齒南山和蔣京少見訪原韻

稠錫虬龍勢。是當年剖腸跨虎。幻神通地。此口閒房
惟伏枕。早似衰年病肺。未四十動搖。吾齒百感茫茫。
成底事。算從頭總被浮生累。深憫藉感君意。多才
應惹天公忌。問胡爲庸庸樗櫟。厄猶如此。造化大權
歸二豎。未許沉疴復起。竟兩載把吾兒戲。所喜眼前
無俗物。看藥囊曝處巖花墜。多病也聽之已。

和雲臣問疾原韻

雲滿青山裏。響潺潺。碧流如帶。環山十里。長嘯數聲。
禪磬寂。明月松間。徒倚縱病臥。差強人意。塵世營營。
何自苦。彼眼前得喪。休悲喜。君不見。朝與市。當年
卓錫神通水。到如今。一泓常在。清冷無比。劃損簷簷。
千百箇。過客題詩。何鄙聽杳。噉夜深。山鬼佛火。湛然
捐萬慮。問人間。何樂堪相擬。可共對。只君耳。

其年雪持暨南水放菴兩上人。翠舟相訪和。

其年原韻

寄跡空山裏。是平生。悅幽耽僻。由來如此。未老張蒼。

先飲乳亦復沾沾自喜舌尙在齧而脫未肥截尙然
艱一嚼噉名兒讓汝垂青史向石畔漱吾齒 諸君
一棹尋山寺且烹泉林間揮麈談空說理瀑布晴飛
三百丈絕壁枯藤同倚問此外千人何事松舍欲留
君共枕正踟躕日落陰風起猛虎嘯君歸矣

和南水見贈原韻

寂寞城南路恨東風幾番無賴落花飛絮一枕晝橫
高閣臥雲氣欲來山雨聽啼鳥嚶嚶求侶忽喜支公
遊屐到看形如鶴瘦神如虎山水意任領取 萬山

松影泉流處。願攜筇編籬。插竹與君同住。自有袈裟
能覆地。莫謂此非祇樹。况絕巖蒼岩如許。把爾新詩
吟未了。覺香生舌上。青蓮吐。君莫去。薄云暮。

和雪持見贈用稼軒韻

又是春歸矣。悵林間鶯啼燕掠。花殘無幾。一派新篁
映空綠。入夏儘饒幽事。倚傑閣爲之狂喜。誰向此中
頻問訊。只先生身有公無。是山與我頗相似。故人
忽到空齋裏。撥山醅盤餐市遠。畧無兼味。俛仰稠公
奇跡在。直欲深參禪理。曳杖看泉飛雲起。莫訝山前

群虎踞料世途巖險皆然耳乃所願亦松子

是早有五虎踞

楓隱寺門

送京少之江右兼憶匡山舊遊用秋水軒韻

我有匡廬卷時彷彿清涼臺畔對之消遣憶別天池
松下路淚與山僧齊泣五六載離愁似繭此日故人
揮手去悵舊盟泉石緣還淺重遊意甚時展 海棠

萬樹予爲顯君若到上霄峰上問予題扁只恐金戈
猶未息可剩遠村雞犬想絕壑蒼崖應免自昔才人
能化俗侍文翁早把文章典刺刺語幸君剪

時尊公慎齋先

生將督
學江右

毘陵喜遇黃艾菴先生因題其溪南詞卷尾

卽用溪南詞韻

此會能常否。君不見天涯戰壘未弛屯。守一別十年。
渾似夢。世事何嘗之有。總莫問黃鐘瓦缶。君在戴溪。
予罨畫。望盈盈春水。空招手。看兩鬢漸成叟。當時
肯落誰人後。到如今昏昏白日。都忘卯酉。昨夜東風
吹汝。到偏是花殘雨溜。且立盡濁醪數斗。朗誦新填
長短句。似明珠顆顆。盤中走千百輩。詎其偶。

摸魚兒

感舊

怕東風惹人腸斷。瘦紅肥綠。時節小樓。昔日凝粧處。
縱有花枝。誰折斜。暗撮空記取。垂楊院落。朦朧月香。
殘粉滅。剩壁上。鸞箋奩中。鳳翠幽恨。怎銷歇。十年
事。梁燕至今能說。繁絃聽罷。悽絕明妃。偏向燕支嫁。
天把紅顏埋沒。魂恍惚。似訴盡當初。花底輕離別。画
圖頻揭。悵弱影。亭亭竟隨春去。杜宇爲啼血。

史雲臣曰柳屯田楊柳岸曉風殘月之句情景依
依灼然爲古今絕唱餘皆麤蕪粉黛中嘗語也然

歌工之論亦貴其聲之要眇耳而談者遂薄大江東爲非詞家正格是豈足盡倚聲之極致哉今南耕之詞婉至矣而豪氣寓焉風華矣而真意存焉蓋兼蘇柳之長而屏雷同附和之語其無愧爲大家也歟世之言詞者耑以軟媚爲

工或以粗豪爲妙茲編其良砭矣

陳椒峰曰自樂府之爲趨豔雜以捉搦企喻子夜讀曲之屬流爲詩餘是詩餘者接樂府者也乃其體宜於言情而不可以逞才然善用其才者未嘗不可以言情南耕才人也亦情人也情之所至而才生才之所至而情見宜其爲詞抑揚反覆慷慨纏綿甚有得乎古樂府之遺而非僅秦黃柳周諸家足以竝驅千古也僕向爲啡煙一集深悔躁于災梨送不獲與南耕頡頏歛之揚之糠粃在前此之謂矣